

Q. B. V. S. I. B. I. S.

DISPUTATIO PNEUMATOLOGICA

DE

ANIMA SEPARATA,

Quam

Approbante Amplissima Facultate Philosophica, in incluta ad Auram Academia.,

SUB PRÆSIDIO

VIRI *Præclarissimi*

DN. M. JACOBI FLACHSENII,
Log. & Metaph. Prof, celeberrimi, ut Fautoris
& Promotoris sui certissimi; ita sincero gratoque animi
affectu jugiter prosequendi.

Candido Eruditorum examini publicè submittit

NICOLAUS CRUCELIUS,
Sudermannia-Svecus,

In Auditorio Maximo ad diem Junii, Anni 1678.

A B O E,

Excusa à PETRO HANSONIO Acad. Typogr.

VIRIS

de Ecclesiâ Christi & Republ. literariâ optimè meritis
Ven. Consist. Holm. Præsidi Amplissimo
Dn. OLAO SVEBILIO

SS. Th. Doct. Celeberrimo, Urb. Holm. Pastori Primario,
Nec non

Ad secessoribus Gravissimis

D.M. OLAO BERGIO | **D.M. MAG. PONTINO**
ad S. Claram Pastori.

ad S. Jac. Pastori.

D.M. CHRIS. BETZELIO | **D.M. DAN. DUSÆO**
Eccl. Germ. Past. Prim.

Eccl. Ridderholm. Past.

DN. CAR. CAROLI | **D.M. MAGNO DURÆO**
SS. Th. Licent. & ad S. Mar. Past.

ad S. Catharinam Past.

D.M. ÆGID. STRAUCH. | **D.M. JONÆ LILLE**
Eccl. Germ. Past.

Eccl. Kongzholm. Past.

D. NICOLAO Anberg | **D.M. JONÆ Lef**
Eccl. Finnon. Pastori.

Consist. Notario.

ut &

D. IVARO LEUFSTADIO | **D. JOHANNI AMNELIO**
ad S. Claram Verbi divini Comministris.

*Dominis, Mæcenatibus, Patronis, Fautoribus &
Promotoribus suis devotâ mente jugiter pro-
quendis exercitia hacce accademica cum voto
multæ prosperitatis*

humilimè dedicat & offert

Author.

Disputationis de Anima separatae:

THESES I.

Divinâ adfulgente gratiâ, argumentum hoc sublime proflus, ideoq; intellectu difficilimum enodaturis, in frontispicio & priusquam discursus nostri ve- la laxius explicuerimus, ne concepto vento in ignotum quasi pelagus errabundi feramur; paulo accuratius introspiciendum, *An detur in rerum natura Anima;* nam si non datur, quid opus est littus arare; quid attinet de *non ente* disputare? cum de illo nulla sit Doctrina, ut estatum sonat philosophicum.

THESES II.

Super quâ tamen quæstione longo verborum apparatu prolixè disquirere de necessitate non videtur, cum animæ existentia, quamvis non adeò à priori, à posteriori tamen, operationibus sc. præclarissimis, sole meridianō illustriore evadat; accedit unanimis saniorum Philosphorum consensus, quos enumerat Aristoteles L. 1. de Anima, eorumque assertioni ibi, sicut etiam L. 2. album addit calculū argumento à potentia animæ se ipsam movendi

A dedu-

deducto, dicens: Ψυχὴ ὡς ἀνθρώπος ζεῖται; ut de pluribus ijsque clarissimis sacræ scripturæ testimoniis, animæ existentiam apertissimè adstruentibus, nihil dicam; adeo ut in D. Ruvij descendere sententiam non verear, qui se nescire faretur, habeat ne ille animam, nec ne, qui se illam habere non cognoscit vel dubitat: maximè cum se brutum affirmet, qui animam tollit intelligentem.

THEISIS III.

Hisce ita præmissis paulatim ad animæ definitionem nos accingimus, quæ vel nominalis vel realis, In Ὀνοματολογίᾳ observamus Etymylogiam, Homonymiam, & Synonymiam. Descendit vocabulum animæ quod alij quasi ἄνεμος seu ventum vel spiritum dictum volunt, ab animando, etymo ab ejus operationibus vel effectis desumto, quod scilicet informando vivificet corpus organicum eique vitales operationes communicet.

THEISIS IV.

Est quoque vocabulum hoc πολύσημον nunc animam significans vegetantem, quæ forma dicitur plantarum, stirpium & arborum; nunc sentientem, quæ brutorum; nunc intelligentem seu rationalem, quæ altera pars est hominis essentialis, sentientem & vegetantem tanquam facultates sub se comprehendens; accipitur etiam non raro vox animæ

nimæ pro toto composito οὐνεδωχικῶς, quæ φράσις seu modus loquendi S. sancto in scripturis familiarissimus est.

THEISIS V.

Συνορμία pro varietate lingvarum variat: Ebræo idiomate *Nephesch*, *Neschamah* vel *Ruach* dicitur, Græcis ψυχή, &c. Latinis *Anima*, *Spiritus*, *Animus*, *Mens*, *Memoria*, *Ratio*, &c. ab effectu seu operatione transeunte una hæc eademque substantia spiritualis nuncupatur, unde D. Augustinus in lib. de spir. & anima cap. 13. Dicitur anima dum vegetat; *Spiritus* dum contemplatur; *sensus* dum sentit; *Animus* dum sapit; dum intelligit, *Mens*; dum discerit ratio; dum recordatur memoria; dum vult voluntas. Cum quo verbotenus ferè consentit Isidorus u. Etymol.

THEISIS VI.

Tripliçem deinde cum D. Bernhardo serm. 107. & omnibus orthodoxis, animæ rationalis constituimus statum atque conditionem: primum in corpore corruptioni obnoxio: secundum sine corpore incorruptibili; & tertium in corpore incorruptibili & proinde totuplicem considerandi modum; ultimo, utpote qui omne ingenii humani acumen longè transcendens ex revelatione solum haberi potest divina, ad Theologiam; primo vero ad Physicam, tanquam forâ propria ac

competentia, remissis; de intermedio impræsentiarum, adspirante divinæ benedictionis aurâ, quatenus scilicet anima rationalis sub conceptu quiditativo spiritus est lumine naturæ cognoscibilis paucis acturi. Fuit ονοματολ. sequitur περιγραφ:

THEISIS VII.

De quidditate Animæ variæ variorum fuerunt opiniones atque sententiæ: alii illam esse voluerunt sanguinem humoris admistum; alius *χειρον* quatvor primarum qualitatum; alius ignem; alii vero aërem; non nulli quoque animam aliquid ex atomis conflatum putarunt; alii aliter senserunt: sed quod hî plena veritatis via aberraverint, nulum nisi *αρρωστεις διαβόιας* laborantem, fugere potest: nos itaque sobriâ Philosophiâ cum facris literis conjuncta melius innutriticum aliis rectius sentientibus talem animæ separatæ ponimus definitionem: Anima separata est spiritus finitus incompletus, ad corpus hominis informandū, naturaliter ordinatus.

THEISIS VIII.

Quicquid in universa rerum natura est, aut substantia est aut accidens; in familia accidentium animæ locum adsignare cum aliquis vix sibi præsumat, substantia sit oportet, quæ vel corporea vel in corporeæ seu spiritus: Si anima sit corpus, simplex erit vel mixtum: at neutrum, E. Deinde, omne cor-

por-

poreum, secundum Aristot.lib. 8. auscult.Phys.c. 4.
text.28. Seipsum movens, duobus constet necesse
est: uno quod moveat & non moveatur, altero
quod moveatur & non moveat: sed homo se mo-
vet, movens autem in ipso est anima, quod move-
tur corpus: anima igitur non est corpus, alias cor-
pus à corpore informaretur, quod absurdum.

THESES IX.

Relinquitur itaque animam esse spiritum, quod
præter ejus originem seu creationem, quam per
inspirationem esse constat Gen.2,7. & hodiernam
propagationem, quæ independenter fit à materia
per traducem, de quibus in Physicis, facile evi-
dunt operationes ejus inorganicae Intellectio &
Volitio, quæ in Deum etiam cum cadant, à ma-
teria secundum rem abstractas & planè immateria-
les esse sequitur. Intelligendo certe anima corpo-
ralia quæq; longè transcendens ipsum spiritum in-
finitum, Intelligentias, imo se ipsam admirando
acumine scrutatur: sanè tantæ est subtilitatis, ut ad
intimas etiam rerum quidditates, penetret, vel
ad minimum penetrare contendat, à minimis effe-
ctis ad summam causam progrediens discurrendo:
quin etiam multa quæ nec sunt nec esse possunt,
apud se fingere, variosque modos atque habitudi-
nes inter illa excogitare valet. Hæc cum causæ ali-

cui materiali originem suā debere non possunt, sequitur animam non corpus esse sed spiritū : modus enim operandi modum essendi necessario sequitur.

THESES X.

Quin autem sit spiritus nullus inficias ibit, cum non modo essentiam à spiritu infinito distinctam, verum etiam ab illo suam agnoscat dependentiam ; quicquid jam ab alio tanquam causâ effectivè dependet, non potest non esse finitum. Eo tamen dementiæ atque impietatis prolapsi sunt Carporates, quemadmodum prodit Irenæus lib. i. contra Hæres. cap. 24. Cerdones, afferente Theodor. lib. de decretis divinis; item Gnostici Manichæi, & Priscillianistæ, teste Aug. de Hæres. cap. 46. ut animam humanā particulam crederent Essentiæ divinæ; quæsententia quoque Philonis Judæi fuisse videtur, alicubi dicentis Deum corporibus humanis non nihil de suo Numine supernè inspirasse ; & Plutarchi, qui inter sua scripta etiam hoc reliquit : Anima mentis particeps facta, non solum Dei opus est, verum etiam pars, neque ab eo, sed de eo, & ex eo facta est. Sed horum errorem, cum adeo sit palpabilis ut neminem latere potest, recitasse est refutasse; quod si anima divina mentis esset particula, aut Deus esset mutabilis quod à divina natura maximè abhorret; aut anima omnis mutationis

expers

expers, quod falsum esse experientia rerum magistra, maximo, proh dolor, cum nostrodamno, ex lapsu protoplastorum luculentè commonstrat.

THESES XI.

Fecimus quoq; in data definitione mentionem *incompleti*, non sensu Logico, nec Physico, sed Metaphysico: non ut arguamus animam defectionis vel imperfectionis quâ anima, sed ratione compo-
siti, hominis scilicet, cuius pars est essentialis, natu-
ralitè ad corpus ordinata organicum, ut cum illo
unum constituat esse completum; quare etiam
ad redunionem cum corpore naturalitè est pro-
clivis; nec speciem absolvit perfectam, nec cadit
sub rationem suppositi, nisi per analogiam quan-
dam & reductivè, ut independentè subsistat
non sustentata ab alio. Diximus deinde animam
humanam spiritum incompletum ad distinctio-
nem ab Angelis, qui entia sunt completa, contra
erroneam Origenis sententiam, qui, referentibus
Thoma & Conibricensibus, discrimen illud speci-
ficum L. I. *ωδὶ ἀρχῶν* omnino tollere voluit; & Greg.
Venet. qui stramineis prorsus adductus argumen-
tis, animam angelo dignorem multo ac nobilio-
rem affirmare non dubitavit, de Harm. Mundi,
Cantio. 3. c. 2. Et hæc ad explicationem Definitio-
nis dixisse sufficient. Cum autem immortalitas ani-

mæ rationalis basis hujus discursus sit atque funda-
mentum, paulo altius de illa esse sollicitos forte è
re erit nostrâ.

THESES XII.

Omnibus ferè retrò seculis non defuerant, qui
animæ immortalitatem impugnare non erubue-
runt, utpote Sadducæi, teste Josepho de antq. Jud.
lib. 18. c. 2. & de bello Jud. lib. 2. c. 7. qui nec resurre-
ctionem mortuorum credunt Matt. 22. nec spiri-
tum Act. 23, sub quorum signo minus augusto nu-
merosæ militarunt hæreticorum turmæ, quarum
numerum inire placuit Aug. lib. de hærel. Epicuræi,
quibus mundanis turpiter immersis, voluptatibus
prima ventris cura fuit; quorum castra quoque le-
qvuntur Galenus & Plinius qui animæ immortaliti-
atem multis irridet, lib. 7. hist. nat. c. 55. nec mul-
tum ab his Leo X. Pontifex Romanus abhorruit, qui
audita aliquando insigni super immortalitate ani-
mæ disputatione, magis sibi placere aiebat illum
Cornelii Galli versiculum :

Et reddit in nihilum quod fuit ante nihil.

Animo dubii fuerunt Clemens VII. dicente Ger-
hard. loc. Theol. tom. 8. & Ambracotta Cleora-
brotus, sicut narrat Cicero i. Tuscul. 4. de contem-
ptu mortis, unde etiam spontanea morte derei ve-
ritate certiores fieri voluerunt.

THESES XIII.

THESES XIII.

Verum enimvero, quamvis ex scripturâ sacrâ pariter ac orthodoxorum Patrum documentis animæ humanæ immortalitas illustrissimâ die clarior resulgeat; impræsens tamen ut philosophi, ex dictamine rectæ rationis, paganorum exemplis, ac Philosophorum saniorum scriptis illam facile evincere conabimur.

Animam esse spiritum superius in thæsi 9. Satis probatum dedimus; spiritualitas autem à corruptione maximè est aliena. Unius præterea corruptio alterius est generatio, ut loqui amant Physici, ubi ramen anima suam ob simplicitatem alicujus generatio esse nequit. Sicut omnis materialitas causa est corruptionis, sic independentia à materiâ immortalitatis, unde argumentor: quicquid nec in fieri, nec in esse, nec in operari à materiâ dependet, illud omnino est immortale; at Anima &c. E. Justitiam denique tollit divinam qui animæ negat immortalitatem; Providentia divina omnia gubernat atque moderatur, experientia tamen dicit impijs atque atheis hominibus ut plurimum in hoc mundo omnia ad nutum fluere & ex animi sententiâ succedere, initium pœna autem de domo Dei sumi; quod si post hanc alia non esset expectanda vita, quando promissionem suam Justi-

tia divina, reddendi cuique secundum merita sua,
effectui daret?

THESES XIV.

Gentiles etiam ex lumine naturali & principijs
connatis se esse immortales pulcherrimè nove-
runt: sic Thraces, secundum Herod. infantulum
recens natum, ob mala ipsi vitam ingredienti oc-
currentia, lamentationibus exceperunt & lacry-
mis, hominem verò mortuum perlusum atque læ-
titiam terræ mandarunt, cunctas fluctuantis hu-
jus maris tempestates defunctum omni felicitate
beatum rati. Idem de Ægyptijs, Chinensibus,
Pervanis, Indis, alijsque Barbarorum plurimis, Hi-
storiographorum est judicium. Huc faciunt
Ethnicorum Philosophorum testimonia ac dicta
prorsus præclara: Non rectè existimant, inquit
Socrates, qui mori malum esse arbitrantur, cum
tò mori nihil aliud sit, quam illuc migrare ubi vi-
vant, qui justè vixerint. Aristoteles affirmat In-
tellectum & φρεγες L. i. de anima, & L. 3. ipsum
μόνον ἀγάπατον οὐ αἰδον. & L. 2. de gen. animal. dicit
mentem extrinsecus accedere, ipsamque solam di-
vinam esse. Plato in Phædro, Phædone, in Phi-
leto & Timæo, nec non in L. 10. de repub. & alibi
multa differit, ex quibus immortalitas animæ non
obscure intelligitur; cuius argumenta selectiora

sicut

sicut etiam Aristotelis enumerat Pererius L. 6.
Phys. c. 18. & 19.

THEISIS XV.

Ecce ut de alijs nunc altum sit silentium, unus pro omnibus nobis sufficiat magnus ille Seneca, qui in multis suis, quæ posteritati reliquit, scriptis egregiè nostris favet partibus: Alia, inquit Epist. 102. Grigo nos expectat, alias rerum status. Non dum cœlum nisi ex intervallo pati possumus. Proinde intrepidus horam istam decretoriam prospice, non est animo suprema sed corpori. &, dies iste, quem tanquam extremum reformidas, æterni natalis est. Et in consolatione ad Marciam: Animus nititur illo, unde demissus: ibi illum æterna requies manet, pro confusis crassisque pura & liquida visentem. Hinc Epist. 115. generoso quodam nisu sese extollit, dicens: Major sum & ad majora genitus quam ut mancipium sim corporis mei: quod quidem aliter non respicio quam vinculum libertati meæ circumdataum. Quid ergo jam obstat, quin cum D. Cryostomo concludam, eos, qui de animæ immortalitate hærent, dubitare etiam posse in meridie ne sit dies.

THEISIS XVI.

Immortalitatem sponte suâ sequitur separabilitas à corpore utpote corruptibili. Sed sunt qui in

animæ mortalitatem adstruenda invictis se argumentis superatos esse cum cernerent, ne errori locus deesset, μεταμόρφωσιν quandam finxerunt, h. e. transitum animarum prioribus ē corporibus solutarum in corpora alia humana vel beluina, & id quidem juxta vitæ anteactæ rationem; libidinosos in porcos mutari, crudeles lupos fieri atque leones, astutos & callidos in vulpes degenerare, musicos in luscinias aliasque aves cantatrices transformari somniarunt. Sic Empedocles se olim pisces fuisse perhibuit. Pythagoras se Euphorbum, in bello Trojano à Menelao occisum, fuisse ajebat. Ex fallâ hac hypothesi ortum est dogma illud Pythagoricum, quo esum carnis bubulæ instar gravissimi sceleris, severissimè prohibitum atque interdictum refert Tertullianus in apologetico contra gentes cap. 40. ne quis incautus carnem roderet avi sui vel proavi. Hujus quoque farinæ fuisse Manichæos docet Aug. de Hæret. Talis μεταμόρφ. Ovidio videtur placuisse Metam. 15.

*Morte carent animæ, semperque priore relictâ
Sede, novis domibus vivunt habitantque receptæ.*

Et paulò post: *Animam sic semper eandem
Eſſe, ſed in variis doceo migrare figuræ.*

THESES XVII.

*Transanimatio verò hæc ſi àληθεύκως & morali-
ter*

tèr intelligatur, sine aliqua absurditate facilè potest admitti, de transitu autem physico & reali intellecta, ut absurda planè & prorsus falsa, damnandam atque reiciendam censemus. Nam præter quod de fide certum sit & simpliciter verum animæ post separationem statum esse separatum, *μεταψυχωσι* tali positâ, nulla daretur inter animas hominum & brutorum distinctio specifica, nec aliquod ratione dignitatis discrimen, cum tamen ex historiâ creationis, has ex eâdem materiâ, quâ corpora, illas verò per immediatam inspirationem creatas, adeoque longè nobiliores esse, notum sit. Forma præterea uni materiei proportionata plures informare nequit, sed requirit in sua materia informanda dispositiones actibus à se exercendis accommodatas, quas anima intelligens in corpore beluino vix inveniet. Si denique anima rationalis, quæ antea hominis alicujus fuit, in bruto daretur, etiam & illic intelligeret, cum intellectio naturalis sit animæ operatio, & ultimo, anima brutorum dicenda esset immortalis.

THE S I S X V I I I .

Concludimus itaque animam humanam à corpore suo quasi è vinculis liberatam in statu quodam consistere separato. De statu autem illo variae variorum extiterunt & etiamnum existunt opinio-

quodque jam naturali fertur appetitu in illud quod
ipſi naturale est, qui appetitus in anima, non est
accidens aliquod ipſi superadditum sed essentialis
ad informandum capacitas. Quamvis in diver-
ſam abeant partem Plato & Origenes ex falsa scili-
cer hypothesi, animas nimirum ab æterno exi-
ſtentes in pœnam ante natum hominem admissi
ſceleris in corporis ergastulum detrusas, unde de-
mum ſolutæ redunionem non modo non appet-
tere, ſed potius manibus pedibusque, ut ajunt, fu-
gere, poſitam tamen ſententiam, tanquam tutiſ-
ſimam defendimus, quicquid demum oggerat
Scotus cum universa ſua familia, cum ejus argu-
menta facilimo negotio dilui poſſint.

THESES X X I.

Sed cum omnino otiosum eſſe naturæ maximè
contrarietur ſpirituali, animæ ſeparatæ operatio-
nes ſicco admodum pede nec prætereundas me-
thodi ratio jubet. Photiniani, Arminiani, alijque
Hæreticorum non pauci, quos enumerat D. D.
Meif. Disp. i. de ſtat. an ſep. parag. 9. animam post
ſeparationem à corpore otiosam prorsus, atq; tor-
pentem eſſe, & inſtar gliris altissimo ſepultam fo-
mno deliteſcere. Nos autem affirmativam cum
gravissimis autoribus tuemur, præſertim cum ni-
hil ſit vita vitale quin vitales edat operationes,

Nec

Nec nobis obstat tritus Philosophorum canon: Actiones sunt suppositorum; nam ad illa quoque quærationem imitantur atque statum suppositi est resttingendus; sic calor in igne calefacit quamvis non sit suppositum, &c. Sunt verò operationes animæ separatae nobis naturaliter notiores tres: Intellectio, Volitio, & Variatio Ubi; quamvis facultatem sensitivam & vegetativam quoad actum primum, propter identitatem illam quam habent ad animam, ipsi non præscindamus, etiamsi ob defectum organorum in statu separato in actum secundum producere non valeat.

THESES XXXI.

Intellectum animæ separatae non tribuere non potest recta ratio tanquam operationem ipsi maximè propriam: de actuali autem cognitione nunc status est controversiæ. Contrarium quidem svadere videtur Principium illud Philosophicum: Nihil est in Intellectu, quod non prius fuerit in sensu: nam, teste Philosopho, ipsi sensus species formant intelligibiles, quibus deinde phantasiæ beneficio ad se delatis Intellectus res intelligit; Animæ jam in statu separato instrumentis hisce corporeis carenti actus intelligendi competere non videtur. Verum cum grano salis hæc regula est accipienda, nam non omnis rerum cognitio ex sensu haberit

C

poteſt,

potest, ut manifestum est exemplo Intelligentiarum & Sp. Infiniti; quin & nos Deum, Angelos, Animam rationalem, &c. quæ sub sensu non cadunt, intelligimus. Intellectio itaque cum sit actus planè inorganicus & merè spiritualis, adeoque ab animâ non corpore tanquam scaturigine suâ pululans, omnino animæ tribuenda.

THESES XXXIII.

Intelligit autem anima separata per species in statu coniuncto sensuum beneficio acquisitas inq; illum statum transportatas, quæ quamvis in fieri, non tamen in conservari à sensibus dependent, nec entitas illarum tam debilis est ut perpetuò causæ efficientis egeat influxu, quod apparet in somniis, ubi sensibus exterioribus ligatis, interni tamen in apprehensis speciebus negotiantur; Dari autem tales species intelligibiles in anima separata arguit recordatio atq; reminiscentia, quæ sine illis esse non possunt. De fide quoq; certum est sanctas animas cum angelis, Deum sine intermissione collaudare, quod sine prævia cognitione quomodo possit fieri? Et cum hic intellectu polleat in corpore, cur non magis ibi omni mole libera? imò modo longè perfectiore intelligit, quod vel eorum exemplo probabile, qui ecstasis patiuntur, quod multò excellenter & diviniora intelligent, quam mente sensibus

de-

depressâ: quin etiam Deus animæ novas quoque species infundat non est quod repugnat, sed potius potest probari de animabus infantum, quæ alias nullas ederent operationes. Cavendum tamen ne justo majorem animæ tribuamus cognitionem, si-
c ut namque dignitatis gradu ab angelis differunt, sic etiam intellectus universalem in terris notitiam animabus concedimus, particularem autem non item. Voluntas sequitur intellectum (non sub-
stantialiter sed relativè considerata) quod enim intellectus verè bonum judicavit, anima non po-
test non amare, qui actus est voluntatis. Hinc se-
quitur Dei sine intermissione collaudatio, unde non inconvenienter locutio animabus adsignari potest non quidem organica, sed analogica, quæ sit per mutuam conceptuum communicationem.

THE S I S X X I V .

Supereft jam ut coronidis loco de motione ani-
mæ paucis mentem nostram explicemus, quæ Dur-
rando 3, dist. 22. qvæst. 3 & Pico Miradulano qvæst. 1.
Apolog: dura admodum & admiranda videtur; sed
potius dura & admiranda illorum sententia, quip-
pe qui animam vel animalculis etiam vilissimis vi-
liorem faciunt, vel Deo consimilem ob immensita-
tem scilicet nullo aliquo περιcircumscribibilem.
Non planè nos fugit immobilitatem animæ pariter ac

reliquorum spirituum esse affectionem, sed sensu physico de motu locali, qui per gradus fit successivè; hunc quidem animæ competere nō posse fatemur, caret enim, ob suam spiritualitatem, tendetitiâ successione & progressione. Hic loci autē sermo est de motu metaphysico, Pneumaticis *Variatio Ubi* dicto, vel, ut placet Scheiblero, Metaph. cap. 19. pag. 27. *Mutatio*, quod in instanti fiat, quæ varietio n̄ non consistit in motione aliqua locali, sed solummodo præsentia subtractione; aliud jam est mutare *locum* & aliud mutare *ubi*. Motus animæ necessariò adscribendus, ut scilicet cum hic vel illic adesse concipiatur, alibi abesse intelligatur. Novimus ex superioribus animam esse spiritum finitum: sicut jam mobilitatem de Deo negamus, quod sit infinitæ substantiæ; sic illam de anima affirmare possumus, quod sit essentiæ finitæ: nam si negatio adæquata causa est negationis, affirmatio erit affirmationis, concedente Philosopho. De fide deinde patet animas in ipso separationis momento in Cœlum vel etiam locum oppositum, damnatorum receptaculum, transmigrare; & certum est animam post mortem non esse in corpore, quæ absentia indubitat motionem dicit. Nec huic sententiæ sunt impedimento sacræ scripturæ dicta, quæ animas ab angelis portari affirmant, cum in illis saltē innuatur

quam

quam magni æstimentur animæ nostræ corā Deo :
dicuntur etiam homines manibus angelorum por-
tari Psal. 91. non desinunt tamen per se esse mobiles.

THEISIS X XV.

Positâ sic in anima pòtentîâ seipsum movendi,
haut immerito quæritur an & alia possit mouere
corpora ? Spectabilis est affirmantium ordo : Abu-
lensis in Matth. Cominbricenses tract. de an. sep.
disp. 6. art. 2. Eustachius, Ebelius Coll. metaph.
part. spec. d. 7. Geilfusius Contempl. Pneumat. xi.
thes. 7. &c. Ne autem in fugienda Papicolarum
& quorundam Gentilium, animarum redditum cre-
dentiū, castra transeamus, qnamvis super hac re
nihil ferè certi à quoquam sit definitum hactenus,
cum D. Mejero tamen in hujus quæstionis negati-
vam sumus propensiōres: nam non videtur posse
probari inclinatio aliqua in anima ad alia corpora
movenda, quamvis naturalem habeat ad pro-
prium propensionem. Quod argumentantur à po-
tentîâ angelica, id à baculo ad angulum procedit :
scilicet, quia equus tot ponderum sarcinam por-
tare valet, ideo & lepus. Disparē, ut puto, poten-
tias disparē seqvuntur operationes. Et si quis exi-
stimet se oculis aliquando usurpare animas mor-
tuorum, misere fallitur, diaboli ludibrium fuit, &
dæmones defunctorum speciem mentientes.

Certè tota Tibi meditatio, docte CRUCELI,
Hec triplex certa vel penetratur acu.
Namque levas animum terrenis, inque superna
Te penetras Animæ, quando soluta viget.
Quare & Corporeis nœvis Tu denique liber,
Alipedum tempe visere jure potes.
Angelicos certè visurus es usque triumphos,
Dum Te terrenis Mens pie docta levet!

Scripsit L. Mq;

PETRUS LAURBECHIUS,
Poët. Prof. Ordinarius.

Eximio Dn. NICOLAO CRUCELIO,
Auctori hujus Disputationis, De *Anima humana* absolutè
consideratà, ingeniosissimo, fautori & amico
suo perquam dilecto:

Spiritus humanus quid possit mole solutus
Corporis, ecce doces, mentis & artis ope.
Est pol materies in quâ dulcedine mentis
Sese exercebit spiritus iste tuus;
Ergò tibi summus studiorum præmia tanta
Spiritus exhibeat, quanta Minerva cupit,
Sic inter doctos speciosæ lumina mentis
Ostentare potes splendidiora tuæ.
Non aliud tantis conatibus auguror: anne
Et laurum & titulos, Turba novena, negent
Quæ tibi *Scicelides*, jam jam decernere norunt
Upsaliæ atque *Aboæ*, non sine honore Deas?
I pede inoffenso: queis sunt onerata ferendo
Fata, viri laus est exonerare. Vale!

NICOLAUS CRUCELIUS,
per anagr.

In cruce laus oculis.

In cruce, laus, oculis Christi, spectanda, paratur,
Quam comitatur honos non moriturus? age!
Subito scripsit

JOHANNES FLACHSENIIUS.

Præstantissime, literarum ac morum amabilitate
politisſime

DN. NICOLAE CRUCELI,
Dissertationis hujus, de *Anima humana separatim sumpta*,
author per industrie; fautor & amice in paucis
fidelissime.

Multò maximam partem hominū, præterita, etiamnum hacten-
tum porum facie, eo laborasse vitio, unum nimirum alterū prosequu-
tum fuisse odio, & alienæ invidisse virtuti, nec non ipsum dignita-
tis infregisse florem, æmulando, vel ipsamet experientia magistrum
abundè testatur. Nec aliud hominibus frequentius fuit, familia-
riusvè, hoc detestando more. Quod probè animadvertisens Hesiodus,
Poëta mollissimæ savitatis, & sui seculi ornementum baud po-
stremo ponendum loco, sententiam hujus rei talem exflare nūiū
dubitavit: & figulus figulum odit, & vicinus vicinum æmulatur.
Quæ verba & pulchrè, & verè ab ipso effata, indigitant ingenia
mortaliū ita inclinata esse, ut vel excoli aliorum possint ingeniis,
hoc est, emulatione & assidua lucubratione; vel invidiā, eminen-
tioribus adhærente rebus, quæ non exiguum nitentibus ad honores
addit incitamentum; vel etiam admiratione, incitationem ad vir-
tutem accidente, quod tunc præsertim evenit, cum quis modo rei
claritate, modo labore stimulatur, aliquem sibi æquatum cernens
prælatumvè, cui se parem sentit, aut superiorem cupit. Pravi af-
fectata quadam malitiâ ducti, eo stultiæ progressi sèpiuscule, a-
lius industriam maligno intueantur vulnu, feriantqù turpitè,
sc. suæ inertiae optimè consciij, alieno honesto proposito minimè re-
spondent. Ex adverso, probitate insigne, rectitudine animi, ele-
gantiâ vite, morum concinnitate, & pulcherrimis eximiarum ar-
tium dotibus exornati, propriæ virtuti confidunt, alienæ debito ho-
nore relicto. Tales didicerunt affectum tempestati frenos iniicere,
superiores admirari, aliosq; agnoscere pares. Tacitus prætero semi-
doctos homines, b. e. figulos, sartores, adjunctis alijs ejusdem fari-
næ, animi sui impotentes prorsus, illis hoc connatum videtur, se in-
vicem odisse. Præcipue, si unius, majorem mereatur laudem, al-
teri

cerius, industria. Hoc molestissimo circumferunt animo. Et ut vi-
peræ parentis sue ventre erofo nascuntur; ita livor ex prava homi-
num emulatione, & internecivo odio contractus, ægrotum exedit
animum, & dolorem pro pabulo habet. Medianam itaque viam, tse
Præstantissime CRUCELI, tenebas, operamque navabas, honestè e-
mulando, emulos tuos amore prosequeris, abjecto omni odio. Sic
fit, ut consortium cum bonis habere possis, & virtutis, cui unicè stu-
des, auspice Deo, in dies incrementa letabundus videas.

Occupatissimus scripsit

T.

OLAUS ZUHNBERG.

Peregrinie DN. Studiose NICOLAE CRU CELI,
Fautor pariter ac Præceptor multis nominibus
honorande.

Cum mihi locus, licet exiguis, relictus sit, quem devo-
cta mea mentis gratulatione completere possim, occasio-
nem prætermittere non debo, quin Tibi, Præstantissime
Præceptor, ex animo gratuler, simulquè profectus tuo-
rum studiorum collaudem, quos hâc egregiâ Disputatio-
nis Materiâ, haud obscuros ostendere conaris. Altissimum
Numen precibus sollicitare non desistam, dignetur Te,
Tuosque honestos conatus, Omnipotens felicitatis aurâ be-
nignè reficere, & ad felicem studia tua exitum dirigere, ut
vergere possint in S. S. Nominis divini laudem, Reipubl.
emolumentum, & in eorum, quorum interest, solarium.

Sic gratissima mente vorie

GUSTAVUS UNGER/
Holmensis.